

萬載縣志卷八

公署

上諭亭在縣治大北門內東向房屋二棟雍正九年知縣嚴在昌就吳公講堂改建

縣署唐以前建修無考武德五年復置陽樂徙治龍山下卽今所楊吳順義元年立萬載縣仍舊治宋建炎中五遭兵火寄治於州紹興五年知縣事徐昇重建嘉泰中知縣事王候踵修更創手詔寬恤二亭春風堂可愛閣毋自欺齋小山亭愛直亭元初易治東北韋志作百四十步至正壬辰兵燬明大祖甲辰知縣趙中復移建舊所儀門吏舍悉如制明年監譙樓築

萬載縣志

卷八 公署

露臺立戒石亭申明旌善二亭成化三年知縣陳璨起靜觀亭十一年重葺大堂退思所賓賓館龍亭庫立譙樓刻漏勒箴於戒石亭正德末知縣張邦毅拓建大堂後堂清畏堂東西書房嘉靖間知縣陳府增修譙樓知縣劉綬重修戒石亭堂右建幕廳左爲架閣庫儀門西爲后土祠東西榜亭石塘耆民龍昇通捐修獄禁廳房鑿井一萬厯初知縣陳王庭構正人軒崇禎三年知縣韋明傑構有斐軒六年改榜亭爲前縣畢懋良生祠汪志作手詔寬恤二亭茲從韋志

國朝康熙五年知縣范廷鳳建大堂東西廡及後堂儀門大門甲寅兵燬僅大堂存十九年知縣常維楨重建東西各所三

十八年知縣何錫命改東廩爲東庫重建二堂三堂儀門譙樓東西書館雍正二年知縣施昭庭重修譙樓額曰鳴和建後樓曰翺飛改西廩貯常平倉穀三年知縣程元度建站亭四年於譙門內建收糧所七年知縣許松佶增建東西書房及后土祠十年知縣汪元采率邑紳建賓賓館乾隆二十四年知縣張立中三十六年知縣陳成謨各有修葺五十一年知縣謝袞借廉修理東庫寄贖房東西科房宅門左右門房幕房勤慎堂花廳觀音堂東西廂房三堂東西書房住房厨房廊屋嘉慶元年知縣陳大春四年知縣來珩相繼營繕十五年知縣吳樹勳項修理監獄二十三年知縣梅大鶴建中

萬載縣志

卷八

公署

二

明亭於頭門左旌善亭於右道光七年知縣陳文衡重修翺飛樓二十五年知縣崔登釐修整監獄咸豐五年兵燬同治七年知縣王麟昌率紳民重建舊內署左觀音堂九年署縣金第移建內署之右

楮樹潭巡檢司署明崇禎六年知縣韋買民地營建正廳官舍兵房如制繞以墻垣明末兵燬

國朝康熙七年巡檢鈕嘉豫重修六十年馬昭遠復創二廳上房廂房站亭乾隆以後歷有修葺咸豐六年兵燬旋於十年三區紳民捐貲重建同治六年洪水冲毀七年三區紳民復捐建如前

典史署舊在三簿廡右明季廢假民居或僧舍泄事

國朝康熙五十年典史顧景默於縣署西建屋五間五十九年
陳復球因建贊政廳後廳書房雍正六年徐鳳誥建廊房嘉
慶七年王書政偕邑紳郭樹梁等重修道光七年茹天培建
牌柵於署左咸豐五年兵燬同治九年署縣金第撥修志抽
糧款內錢壹千串率典史程炳及紳民重建規制勝舊
公所

考棚在縣治西明德坊嘉慶四年邑眾就萬本立買構文昌官
基址創建前照牆左右轅門次二門左側房五間內為甬道
左右長廊各十楹彙征堂十六楹宅門房三間問心堂十二

萬載縣志

卷八 公所

三

楹左右房四間後為神寢左號舍郭孟牖祠助基橫十一丈
直四十一丈五尺中為橫巷上舍三大棚一小棚下舍二大

棚右興賢堂即培風講堂三進兩廊四房廚房一間其轅門內二

門外集賢堂聞際譽等助有基周圍磚墻有田六千餘把公
擇首事三年輪管收租為土客二籍文武鄉會試贖費有碑

道光二十六年首事張藻辛子魁因修學餘貲添建兩廊號

舍五百二十坐弁油飾大堂修理興賢堂計費四百千有奇

咸豐六年號舍概被兵燬同治八年職員宋仕豪捐建弁改

培風講堂為號舍計費壹千六百有奇附載田畝潭埠天符廟莊田壹

千六百把又中屋裏莊田壹千三百十把 小浦莊田柒百
柒十五把 涂家台山棗埔莊田七百零二把 石板塚莊

田四百九拾把 袁家塘莊田壹千壹百五拾把又袁家門首魚塘叁股之壹又袁家屋場基土一片井邊沙荒土一片
辛桂雲助南炊藜
莊田叁百拾五把

常平倉康熙四十年知縣何錫命詳請就按察分司行館地址

建倉二十三間雍正十年知縣汪元采捐建門堂三間額貯

穀壹萬貳千壹百肆拾石叁斗嘉慶十五年知縣吳樹葺

新豐倉在縣署東雍正三年知縣施昭庭建共七間七年知縣

許增建九間十年知縣汪重修咸豐五年兵燬

八隅晷眾社倉在明德坊上至常平倉下至官街行路左右俱

至墻外行路 晷產 北審楓樹下早遲田一千五百五十五把并莊屋魚塘餘土俱有冊契

安泰義倉在城內九仙官側共倉廩十四廳房七合邑土籍捐

萬載縣志 卷八 公所

建有記

義豐倉在康樂塘文昌宮側購買九姓及賓興堂地基共建倉廩十八廳房八其門外守倉屋與文昌官合建平管此倉及穀專係一二區土籍捐建有記

永豐倉屬三區在楸樹潭 常豐倉屬三區在黃茅

時豐倉屬四區在株木橋 和豐倉屬五區在大橋

咸豐倉屬五區在白良江濱 有記 年豐倉屬五區在五百興

恒足倉屬五區在圳上 有記 慶豐倉在羅城 係各散戶捐建

恒豐倉在白楊市本晷眾建 有記 義成倉在丁田本晷眾建

以上十二義倉俱道光辛丑以前立首士捐戶咸邀議敘不

復登

養濟院舊址東隅外明洪武三年縣丞馮原禮立其後知縣李

燦陳璨林山胡文光相繼繕修國初移建邑西社稷壇左

乾隆五十九年知縣蔡鉅蘭復徙小北門外五里亭黃竹嶺

建廳一左右廡房二十四

育嬰堂在西門外里許錦衣坊即養濟院舊址合邑捐建兼置

田產公擇首事三年輪管核算報銷咸豐九年續買四都三

畝小南門外宋家坊十里園屋宇土田等業遂以此處屋宇

為堂立有育嬰堂匾額

附載蘇溪莊田壹千捌百陸拾伍把饒田莊壹千九百柒拾把水南莊貳百捌拾把白良旭田莊柒百把又

萬載縣志

卷八 公所

五

溪坑虎瓜下貳拾把又范塘淺冲田叁拾把東門嶺下莊肆百捌拾伍把開城墩莊捌百把又門首新坡上伍拾把

大橋半坡莊肆百零伍把同治五年駁與馬崇德管業堂內駁得馬崇德田壹百伍拾把額租拾柒石蘇溪莊叁

百柒拾把蘇溪木嶺冲莊壹百九拾把櫛樹潭葛勝冲莊壹百伍拾把西門毛家冲莊壹百陸拾把花塘窰裏

莊叁百把沙潭莊壹百把後塘社背冲山場一嶂衙前明德坊店房一所計二進道光六年首事潘于蘋蕭世

即續買小源田叁百貳拾把二十年首事袁端揆唐淦盧貴顯買下確田叁百陸拾把店房一所高塘裏田叁百零

伍把并莊屋二十六年首事郭兆珍唐淦盧介續買饒田村田叁拾把同治元年首事袁桂林郭珠雲楊連珍謝文

賢劉喜延吳觀保曾樵森饒炳燦增置萬歲橋等處早遲田共貳百柒拾肆把額租叁拾伍石四年又增置三十把早遲

民田肆百壹拾把額租五十五石均有竹木山場熟土庄屋

普濟堂在縣署後偏右乾隆十九年知縣朱崧督首事郭治清

等倡捐構屋上下二棟左右廂房門樓環以圍牆將原撥義

學羅教黃和生等田柒百伍拾柒把洲土二塊額租肆拾肆石伍斗詳請改撥堂內并建堂所餘銀陸拾柒兩統交治清暨周繼盛等生息至二十八年共有肆百伍拾叁兩零買橫山南窰田額租陸拾石詳咨部准初收老人四名繼增爲八名月給口糧冬給棉衣歷年收支統歸學首事兼理報銷

附載

龍田宋公塘等處田壹百伍拾伍把 栗樹凹叁百叁拾五把并山塲屋宇魚塘 青連山等處田貳百壹拾

把并花土地基山塲

以上係義學內原撥羅教田產契約

碑摹同田冊存縣庫

橫山荷塘等三處田叁百柒拾伍把

南窰上東院等處田叁百柒拾伍把 係首事等契買丈圖田冊存禮科

賓興堂在治北康樂坊文昌宮左道光五年城鄉土籍紳耆捐

買建宮地基因就官旁建堂二棟後堂置木牌臚列樂助姓

萬載縣志

卷八 公所

六

名堂左另闢一室列捐婦姓氏前爲首事辦公所又前爲厨房門外空場墁以磚石繚以圍牆東向建坊曰聚奎所置田業及各姓助產公擇首事三年輪管核算爲文武童試卷費鄉會程儀有記其捐助名氏契約條規有冊

樂泮堂道光三十年城鄉紳士邀集同志捐資集費置田數千畝店房數所以其租息爲歲科試文武新進公費凡屬堂內之人脩金印卷飯食一概取給其中公擇首士輪流經理嗣因廣額過多經費不足堂內止認脩金其印卷飯食新進自備案存禮科併稟 學憲存案訓導盧韻有序外另有記
三區樂育堂同治二年三區衆姓捐立另置田五百餘把先是

合邑原有樂泮堂爲新進士子歲科兩試脩金印卷飯食等費嗣因廣額資息不敷酌裁印卷飯食兩款仍歸新進自認而新進每難猝辦爰邀同志另立此堂爲備飯食以助新進資費舉人丁先庚記

東洲賓興堂距城四十里在牟村河東道光六年紳耆捐建上下二進後棟置木牌臚列樂助姓名左右廂房堂右另闢一室列婦女木牌堂左爲首事辦公所又左爲廚房倉廩門外毬場左一泉井右一池塘門樓四榻三間墁以磚石繚以圍墻堂後竹木清蔭周圍垣墻環田數十畝知縣陳文衡記

東洲敬教堂在牟村賓興堂左偏上下二進後棟置木牌臚列

萬載縣志

卷八 公所

七

樂助及首事姓名前今與堂十楹繚以花墻堂之東另闢一廳以延見賓客右通賓興堂購田數百畝爲科歲試文武新進及補廩公費教諭蔣芳序

三區惜字堂合邑原有惜字堂三區地處西隅離城較遠歲遣收拾字跡每難周徧爰集合區同志另立此堂

宣講所在邑西八十里白水市下街雍正十年知縣汪詳准將羅教楊子華礪嶺遺庵改建撥大楓凹柳樹沖田壹百伍拾把爲本鄉紳士宣講薪水之資後被佃侵佔乾隆七年紳士歐陽瑞劉嵩等清復有案將公宇移建今所

因心堂在大北門外王昌仁李榮陞等七十人建置有田畝山

塲歲施棺槨有序

皆有堂在白水陽澄橋下街道光九年職員歐陽春協監生歐陽精歐陽鶴甘會鳳等各子孫倡捐置產施棺二十三年建堂有記

裁廢廨署公所附

布政分司

舊在治南二百步崇信寺右明正統九年王簿楊義建國朝雍正五年改守備署今為考棚

按察分司

舊在治東五十步儒學右明洪武八年知縣賈志通建後為湖西道署國朝康熙四十年改建常平倉

府館

舊在治東北靜安院右明宏治縣丞廨舊在節愛堂右中知縣顧英建萬曆中改武廟

主簿廨

舊在丞廨右後裁

稅課司廨

舊在邑東明洪武七年建景泰七年裁

櫛樹司巡檢廨

原在鐵山界明宣德四年知縣汪悠久建後圮萬曆間議遷建不果巡檢橋居城內崇禎六年

萬載縣志

卷八 公所

八

遷櫛樹潭市舊廨遂廢遺基橫三十五丈直二十丈前至塘邊行路後至塢上土腔右隨屋側路左隨田角土垠直上為界

高村鎮巡檢司廨

宋元豐間置在黎源元季廢明洪武四年知縣韓或重建十二年裁故址尚存

陰陽學

舊在治南崇信寺左明洪武十七年知縣胡子愚訓術楊芳遠建後廢郭孟牖祠買其地捐為考棚基

醫學

舊在治東榜亭左惠民藥局明廢

僧會司

舊在崇信寺左廢

道會司

舊在治西廣報觀右

榜亭

舊在縣署前東西十三間

接官亭

九都四畝藍田廟左直三丈橫二丈前至街後至塢脚右至廟左至墻脚

新市倉

舊在邑北七十里明天順二年知縣梁高修

東倉

舊在城隍廟側

南倉

舊在邑西高城窰下

西倉

舊在邑西大坵頭

北倉

舊在邑北三十里裏裕街以上四倉明知縣陳璨立

官田倉

舊在邑西七十里明宏治初知縣黃琪立

預備倉 舊在城隍廟左明正德中知縣張邦毅移建南浦橋左嘉靖間知縣李參榜曰足食萬厯已酉洪水浸腐穀以干計倉吏斃獄破家四十七年知縣姚繼舜因舊址增高三尺重整四廢中為官廳旁設吏卒防守舍後並廢

按舊志李參作李邦攷郡縣志明知縣無邦名茲從章志

水次倉 舊有二一在邑北黃竹嶺後廢遺址橫四十五丈直二

預備倉並峙隆慶間知縣胡文光改建龍河濱專儲南米知縣徐一唯重修復圯萬厯二十七年知縣畢懋良修葺立碑以後官儲南米歲於水脚銀內支修崇禎八年知縣章明傑主簿林憲孟重修額日留儲今廢

澗田倉 舊在邑東 進城倉 舊在邑西 北三十里 四十里

牟村倉 舊在邑西北四十里後廢遺址前至官路後至田壩左至塙右至水圳

楮樹潭倉 邑西六十里今廢以上四倉俱明隆慶四年知縣胡文光立每倉巨廩四門堂一

按章志汪志俱以楮樹潭倉為畢侯立其三倉不詳今據

萬載縣志

卷八 公所

宋廷尉城南社倉記補正城南倉舊志亦漏并補

城南社倉 明隆慶四年知縣胡立於預備倉左左右巨廩八中有廳旁設小屋三

合邑各鄉社倉原其貯本息穀二千七百四拾二石三斗一升四合八勺今歲久俱無從拘究

安養院 嘉定志在縣東三百步以處貧乏歲久頽壞嘉定十三年知縣事汪闡中撤而新之為屋二十八間後易名養濟遷建

東關外

兵馬司 舊有六一在東關內左除城墻下官路八尺橫直各一丈 一大南關內橫直各一丈 一西關內右深進二丈五尺濶七尺五寸 一大北關內右除城下官路深進二丈濶八尺 一烏溪關內右深進二丈五尺濶四丈 一龍

河門右除城下官路深進二丈五尺濶二丈

五鄉申明旌善亭遺址 懷舊鄉待賢里高田 成俗里南田黃田去恩仁里奇圍 谷村里待源 緬

村里腰裏 宣村里高城汪志前至街後易土左張王圍土右張墻脚 擢秀里藍田 萬載鄉新開里孫家門首長

安里獲富市 新賢里石上 霞峯里康家嶺 進城鄉嶺
外里排江 宣教里龍埭頭 上太平里牟村 歐桂西鄉
臨化里前園裏 進賢里郭山 裏裕里裏裕 歐桂東鄉
康樂里岐山 蓮亭里苦竹嶺 藏溪里煙竹 以上舊志
共載二十一處而標 目云二十七疑筆誤

舊志按申明亭在鄉者明洪武六年當作八年前令賈志通奉

頒降成式建立亭屋三間中虛四柱繚以垣墻基址濶一丈八尺周圍十二丈五尺旌善亭洪武十六年後令胡子愚建立規制基址悉如申明初制選擇鄉之年高有德者於此剖決爭訟申明頑惡其善者旌之而後決於有司云云今雖曠廢仍錄之以存故實

邑外公所附

萬載縣志 卷八 公所

京城袁州會館在正陽門外東草廠第七條衚衕坐東向西瓦屋一所四進大小房十六間前後至衚衕南墻連南安會館北鄰民居乾隆九年邑土籍及三縣紳民旗丁等捐買公建宜分萬會館在正陽門外西珠市口板章衚衕內保吉巷坐北向南道光二年邑土籍及宜分兩縣合買并店房共五十間又路西屋八間價共二千三百金萬載出九百道光三十年於墻東改建頭門坐西向東

京城萬載會館在粉坊琉璃街坐西南向東北瓦屋一所二進後苑併左偏房屋共計大小十二間前面琉璃街後連橫墻左右皆連墻直下同治四年東洲書院公建價七百餘金

府城考棚歷係四邑朋建嘉慶丙寅知府鄭鵬程倡議改擴地基邑生員袁建原監生建校職員建序合捐圍土直二十四丈橫十九丈連舊基建棚十二邑土籍捐其四辛大祠辰棚郭孟牖後裔已棚職員劉崑午棚貢生李以正亥棚以正又與宜分二邑重修大堂甬道站亭科房轅門圍牆等處道光二十一年邑紳士辛東卓汪茂楠王簡心等遵府檄勸捐分修供應所頭門東偏厨房儀門外兩廊院西圍牆及原認四棚號舍詳院給匾有案嗣職員湯伊衡捐建雨亭咸豐六年髮逆陷城全毀咸豐十年府檄四邑分建邑首士湯日烜高化鵬黃啟圖等遵府檄勸捐土客合修頭門禮科工科聽差

買辦各房共十塌九間頭門左右中三過亭東西轅門圍牆屏牆及兩偏過亭鼓亭轅門外左偏內巡捕官廳供給所各全棟右偏外巡捕萬邑禮科公所各全棟辛大祠建亥棚號舍郭孟牖子孫建酉棚號舍東洲書院建未棚號舍湯伊衡子孫重修雨亭全棟同治九年雨亭復圮

府學嘉慶十四年移建貢生李珽以正同修大成門名宦祠鄉賢祠道光二十九年李以正之子楨獨力重修并修黌宮舉人劉文毅生員郭陶辛思誠郭光青等勸捐合邑土籍承修石柱四層牌樓泮池石橋欄干泮池前石柱櫺星門射圃一所箭廳一間四圍宮牆四分之一報銷銀五千餘兩捐戶俱

邀議敘辛郭王劉易鮑各祠捐數另有碑記 文昌宮先代
殿一棟費工料錢三百千舉人劉文毅生員郭陶以清理公
地所得之錢捐建此外惟樂泮堂出錢八十千文助修以爲
堂內首士科歲兩試辦考栖息之所咸豐四年兵燬八年樂
泮堂重修

附府學廩生膏火田在宜邑東嶺下計田三百四十把生員
郭光暹捐助

郡城道光十七年重修邑衆認工自南門至東門止城墻城樓
城堞徹底更新共工料銀八千七百有奇首士捐戶邀敘

昌黎書院道光二十年監生柳翹豐德輝捐建西北隅齋舍有

萬載縣志

卷八 公所

記

省城貢院號舍嘉慶丙子更修郭孟牖祠宋珊衆唐錫鐸各捐
紋銀百兩西門鮑祠捐錢七十千集賢坊張祠後街汪祠虹
橋劉祠各捐元銀五十兩白良袁祠紋銀三十兩辛大祠捐
錢三十千陳孟楠捐銀二十兩大北門丁祠捐錢二千咸豐
九年重修合邑捐銀八百兩同治六年增建號舍又合邑捐
銀四百兩

敬教公所在郡城南門 皇殿左側四榻三間上下二進左右
各置廳房計大小十間外有毬場菓園四週圍以繚垣同治
十年東洲敬教堂公建

萬載公所在郡城宜春縣署右側靈泉池同治十年合邑土籍
捐建一連三廳後左側有書屋屋左側有場至城後牆外有
菜土一片門首毬場門樓左右庑屋週圍磚墻